

## عمرو الديب الصحفي بجريدة "فيتو" يكتب :فيه حاجة غلط !!!



السبت 16 أغسطس 2014 12:08 م

### نافذة مصر

لما واحد صاحبنى من أيام ما كنا عيال وهو بيصلى ومش بيسيب فرض وانا مكنتش بركعها .. وفى الآخر عايزين يقنعونى انه ارهابى ..  
يبقى فيه حاجة غلط  
لما هو يذاكر ويتعب ويطلع دكتور .. وانا اقضيها لعب واستهبال وقعده على القهوة .. وجر شكل خلق الله .. بس اهوه ربك اراد  
والدنيا مشيت .. ودلوقتى يقولوا ارهابى .. يبقى فيه حاجة غلط  
لما اقول له ماتيجى نرخم على البنات وهما طالعين من المدرسة .. وهو يقولى ياخى اتقى الله .. ويقولوا انه ارهابى .. يبقى فيه  
حاجة غلط  
لما اقله ماتيجى نضرب الواد المسيحى ده غلبان وناخد منه السندوتشات .. وهو يقولى ياخى اتقى الله حرام عليك .. وانا اصمم واضرب  
الواد واخذ منه السندوتشات .. وهو يديه السندوتشات بتاعته .. ويقولوا انه ارهابى .. يبقى فيه حاجة غلط  
لما نشتم ونقل ادبنا ونسب الدين .. وهو يمسك المصحف ليل ونهاره ويقولوا انه ارهابى يبقى فيه حاجة غلط  
لما انا اعيش .. وهو يموت .. يبقى قدر الله وما شاء فعل  
عن صديقى الاخوانى .. اتحدث